


Oqaasiliortut Ataatsimiinnerat
Pingasunngorneq apriliip 30-anni 2008 nal. 10.00
Ilimmarfimmi Oqaasileriffiup ataatsimiittarfiani.

Peqataasut: Eva Møller Thomassen, Ellen J.Karlsen, Stephen Heilmann
Abia Abelsen aamma Carl Chr. Olsen
Allatsi: Nuka Møller

Oqaluuserisassatut siunnersuutit:

1. Tikilluaqqusineq
2. Kingullermik ataatsimiinnermit imaqarniliap akuerineqarnera
 - taaguusiinermi qisuariaat (ilaliussalik)
3. Taaguusersuinermi taaguutit akuerineqartussat (ilaliussalik)
4. Kalaallit Nunaata allanneqartarnissaanut malittarisassat
5. Saaffiginnissutit suliaartallit
 - stylist (ilaliussartalik)
 - 'meeqqat tapisissapput' (ilaliussartalik)
 - inuit aqqini allaqqasut han/hun, suaassusertallit (ilaliussalik)
 - ateq Angitivik akuerineqassava?
 - krone/koruuni? Millioner kroner kalaallisut (ilaliussalik)
 - teknisk afdeling allallu taaguutit (ilaliussalik)
 - oqaaseq 'qanilaassuseq' (ilaliussalik)
 - bussinut tunngasut (ilaliussalik)
 - Nordisk social sikringsportal
 - aaviaatit
 - advokatfuldmægtig kalaallisut



- sundhedsledelse kalaallisut
- qarasaasiap isaa aamma qarasaasiap aquutaa?
- Inuit Nunaat akuereqqullugu (telefonikkut) saaffiginnissut.
- fuck dig dansker kalaallisut qanoq nutserneqassava?
- højt forædlede produkter kalaallisut (ilaliussalik)
- januaarimili taaguusertinniakkat: Vægforskalling, Detail støbning vægge, Detail dækforskalling, Væg og dækforskalling, Støbning af dæk, Kraftig ”anhugger”
- Vivi Lynge Petrussenip saaffiginnissutaa

6. Allat

Inussiarnersumik inuulluaqqusilluta

Carl Chr. Olsen

Siulittaasoq

Katti Frederiksen

Allatsi

- 1. aamma 2. pillugit -

Siulittaasoq tikilluaqqusivoq. Kingullermik ataatsimiinnermi imaqarniliat pillugit 4.d-mi allattoqarfimmik allasimasooq aaqinneqassaaq allatseqarfinngorlugu. Helene Møllerip allakkamini eqqaasitsissutigisai eqqartorneqarput, taannalu tunuliaqutaralugu Oqaasiliortut aalajangerpaat maannamiit **allatseqarfik** atorneqalissasoq siusinnerusukkullu aalajangiinerigaluit tamarmik atorunnaassasut naqqissorneqassapput taassuminngalu taarserneqarlutik. Oqaasiliortut kissaatigaat Helene Møller erseqqissaalluni allaqagarnera pillugu qutsavigalugu allaffigineqassasoq.

Oqaasiliortut aalajangerpaat makku ima taaguuteqassasut:

Departement - Naalakkersuisoqarfik


Direktorat – Pisortaqarfik

Administration – Allaffeqarfik

Sekretariat – Allatseqarfik

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362326, +299 327342 fax), e-mail: oqaasileriffik@gh.gl,
www.oqaasileriffik.gl



Styrelse – Aqutsisoqarfik

Afdeling – Immikkoortortaqarfik

Ledelse - (taanna qanoq taaguuserneqassanersoq isumaliutigeqqeqquneqarpoq)

Taamatuttaa q kingulleqqiutit –mik-imik allanneqaqqaaraluartut tamarmik taarserneqassapput –mut-imik.

Kingullermi imaqarniliami *Økonomi- og planlægningsafdelingen* imik allassimasut aappaat planlægningsafdelingitaa *planlægningschef* imik taarserneqarssaaq taanna pineqarmat.

Naqqiissutit taakku pereermata imaqarniliaq akuerineqarpoq.

- 3. pillugu -

Taaguusersuiner mi taaguutit akuerineqartussat

Kingusinnerusukkut Oqaasiliortunit sammineqassasoq aalajangerneqarpoq.

- 4. pillugu -

Kalaallit Nunaat, Nunarput, allanneqartarnissaanut malittarisassat

Kingullermi ataatsimiinnermi imm. 6-imi eqqaaneqarpoq Kalaallit Nunaat aamma nunarput qanoq allanneqartarnissaannut ullumikkut aalajangiisoqassasoq.

Siulittaasup eqqaavaa Kalaallit Nunaat taamatut allallugu qularnanngereersoq. Taamaattoq nunarput naqinnermik angisuumik aallaqqaaserlugu allanneqassappat ullumikkut malittarisassat malillugit kukkunertut isigineqartaraluartoq. Oqaasiliortut aalajangerput ataqqinninneq XXX XXX-llu apeqqutaatillugu inuit ataasiakkaat aalajangissagaat angisuumik mikisumilluunniit allanneqassanersoq, soorlu aamma Guuti imalt. guuti, Anersaaq Iluartoq imalt. anersaaq iluartoq manna tikillugu periarfissaasut.

Tamanna siunissami ordbogiliassani nalunaarsorneqassasoq aamma aalajangerneqarpoq.


- 5. pillugu -

Stylist (tassunga ilanngullugu *piorsarsimassuseq, kultur, atugartuussuseq*)

Kalaallisut stylistip taaguutissaatut Oqaasiliortunut ilaasortap Stephen Heilmannip e-mailikkut nassuiaataa ‘piorsarpoq’ pitsaasutut isigineqarpoq. Tamannalu pillugu Oqaasiliortut aalajangerpaat oqaaseq una atorneqassasoq: *piorsaasoq, kusanarsaasoq*.

Eqqaaneqarportaaq Kleinschmidt 1871-imi ordbogiliamini tamanna taamatut isumaqartillugu allaqqaarsimagaa.

Ulluni kingullerni oqaaseq ‘piorsarsimassuseq’ oqallisigineqarmat oqaatsimut tassunga ilanngullugu Oqaasiliortut aalajangerput oqaaseq *kultur* taaguutit



attatiinnarneqassasoq qularnaannerummat nunallu tamalaat akornanni atugaammat.

Oqaaserlu *atugartuussuseq* oqaatsimut civilisationimut atorneqassasoq.

‘Meeqqat tapisissapput’

Oqaasiliortut erseqqissaatigaat nalinginnaasumik tamanna oqparliuutaasartoq eqqortorlu tassaasoq: *Meeqqanut tapiissutit* aamma *meeqqat tapiissutisissapput*. Oqaatsit taakku peqqussutini atugaareermata.

Inuit aqqini allaqqasut han / hun, suaassusertallit

Apeqqummut tassunga tunngatillugu Oqaasiliortut erseqqissaatigaat oqaatsip naggiata immiini nalunaanngikkaangagu suaassuseq atorneqarneq ajortoq. Taamaammat Katersani allattukkani suaassuseq atorlugu allassimasoqarpat tamanna allanngortittariaqassasoq ordbogini siunissami naqitassani aaqinniassammat.

Angitivik

Oqaasiliortunut ilaasortat erseqqissaatigaat oqaaseq *angut* kujataamiut namminneq i-lernagu atortorigaluarat aatsaallu ikasarnermi *angiteq* oqaatigineqartaraluarluni. Taamaattoq Oqaasiliortuni ilaasortat isumaqarput angiteq oqaasinngortitaq tunngavigalugu atsiisoqarsimassappat tamanna ajornartissanagu.

Krone / koruuni? Millioner kroner kalaallisut

Siulittaasup ilisimatitsissutigaa apeqquq taanna akineqareersoq. Imatullu akineqarpoq:

100 millioner koruunit

100 mio.kr.-t

imalt.

koruunit 100 millionit

kr.-t 100 mio.-t.

Teknisk afdeling taaguutillu allat

Peqqinnissaqarfimmiit visikortinut atugassanut taaguuseqqusat makku Oqaasiliortut aalajangerpaat kalaallisut ima taaguuteqassasut:

Teknisk afdeling – Teknikimut immikkoortortaqarfik

Teknisk chef – Teknikimut aqutsisoq.

Arbejdsleder – Suliamik aqutsisoq


Aut. Elinstallatør – Akuerisatut innaallagisserisoq

Driftschef – Ingerlatsinermut pisortaq

Driftsafdeling - Ingerlatsiveqarfik

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362326, +299 327342 fax), e-mail: oqaasileriffik@gh.gl,
www.oqaasileriffik.gl



Oqaaseq qanilaassuseq

Suso Heinrich 13. april e-mailikkut oqaaseq 'qanilaassuseq' kukkusumik atorreqartartoq uparuaatigalugu allappoq.

Oqaasiliortunit eqqaaneqarpoq tamanna aatsaat sammineqalinngitsoq. SH-lu isumaqatigaat oqaaseq saamasoq, kamajaatsoq ilakkuminartorlu oqaatsip qanilaassutsip isumaqqaarigaluaraa. Qallunaatullu oqaatsit makku tassunga qanittuusut aamma: fordragelighed, ydmyghed.

Oqaasiliortuni ilaasortat isumaqarput kukkusumik atuineq susinnaanagu, kisianni eqqortumik atorreqarnera erseqqissaassutigisariaqartoq.

Bussinut tunngasut

Anso Grødemip 16. april saafiginnissutaa tunngavigalugu Oqaasiliortut aalajangerput businik ingerlatsinermi taaguutit makku kalaallisut atuutissasut:

Pensionistrabat - Billeti akikitsoq pensionilinoortoq

Månedsrabat – Billeti akikitsoq qaammammoortoq

Klippekort – Billeti qiortagaq

Køreplan – Piffissat aallartarfiit

Charterpriser – Attartuinermi akit

Bykort – Nuup assinga

Skolebus - Atuartunut

Nordisk social sikringsportal

Kirsten Olesenip Ilaqutariinnermut Peqqissutsimullu Naalakkersuisoqarfimmit 3. april saaffiginnissutaa pillugu Oqaasiliortut aalajangerput Nordisk social sikringsportal kalaallisut ima taaguuteqassasoq:

Ammaassivik Avannaamioqatigiinni Isumaginninnermi Isumannaallisaanermut tunngasoq

Aaviaatit

Radiokkut Aperiinnariarimmi aallakaatitsinerup nalaani Oqaasiliortut ilaqutariissutsimut taaguutit pillugit misissuisariaqaraluarnernannik oqaasiinnartigut kaammattuut Oqaasileriffimmi sulisut ilaannit ilisimatitsissutaammat Oqaasiliortunit tusaatissatut tiguneqarpoq.


Advokatfuldmægtig kalaallisut

Oqaasiliortut aalajangerput atorfiit allaffimmi atorreqartut tamaasa Oqaasiliortut allattaannut katersorteriarlugit Oqaasiliortunit sukumiisumik sammineqassasut.

Sundhedsledelse kalaallisut

Oqaasiliortut siusinnerusukkut taaguusereernikuugaluarpaat. Oqaasiliortut aalajangerput Naalakkersuisut Allatseqarfiannit tamakkununga taaguutit

Oqaasileriffik – Sprogsekretariatet



atorneqartut tamaasa pissarsiareriarlugit tullissaanut tamakkiisumik sammineqassasut.

Qarasaasiap isaa aamma qarasaasiap aqqutaa?

Oqaasiliortut aalajangerput tamatuma isummerfiginissaa kinguartikkallassasoq.

Inuit Nunaat akuereqqullugu saaffiginnissut

Oqaasiliortut aalajangerput akuereqqusissut taanna oqaaseqarfigisinnaanagu saaffiginnittorlu tamatuminnga ilisimatinneqassasoq. Taamaattoq tamakku pillugit oqallinnermi Oqaasiliortut malinnaapput.

Fuck dig dansker kalaallisut nutsernera

Oqaasiliortut tamanna pillugu oqaasissaqaratik unnerput.

Højt forædlede produkter

Sofia Geislerip 28. april saaffiginnissutaanut tunngatillugu Oqaasiliortut aalajangerput højt forædlede produkter kalaallisut ima taaguuserneqassasut:

Tunisassiat piariikkat

Vægtforskalling, Detail støbning vægge il.il.

Oqaasiliortut aalajangerput ataatsimiigiaqqusissummi saaffiginnissutit taakku ilaliussatut ilanngunneqarsimanngimmata torrutiinnarlugu isummerfiginissaat ajornakusuussasoq, taamaammat tulliani ataatsimiinnissamut ilanngullugit nassiuteriarpata isummerfigineqarsinnaassasut.

Vivi Lynge Petrussenip saaffiginnissutaa

Vivi Lynge Petrussenip atuakkiaminut aaqqissuisussamik noqqaalluni e-mailikkut saaffiginnissutaa Oqaasiliortut namminneq isummerfigisinnaanagu aalajangerput.

6. Allat

Banner

Oqaasiliortunut ilaasortap Stephen Heilmannip taaguummumt tassunga kalaallisut suna tulluunnerunersoq ujartormagu Oqaasiliortut aalajangerput oqaaseq una atorneqassasoq:

Ilisarnaat nivinngartagaq.

Uge 18-imi akerliussutsimik takutitsineq (demonstration)


Akerliussutsimik takutitsinerunngimmat Oqaasiliortut aalajangerpaat oqaaseq una kalaallisut atorneqassasoq:

Isummamik nittarsaaneq

Oqaasiliortunut e-mailikkut kopeeraluni nassiussisarneq

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362326, +299 327342 fax), e-mail: oqaasileriffik@gh.gl,
www.oqaasileriffik.gl



Oqaasileriffik

Sprogsekretariatet

Oqaasiliortunut ilaasortat sap. ak. ingerlanerani Oqaasileriffimmit sulisunit amerlasooriarlutik ilisimatitsissutinik nassinneqartarnertik annertugikannerlugu siunnersuutigaat allatsi ataatsimut katerseriarluni sap. ak. iluani ullormi aalajangersimasumi ataatsimoortillugit nassiussinnaannginnerai. Tamanna allatsimut ingerlateqqinneqassaaq.

Tulliani ataatsimiinnissaq:

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Allatsimut kingoraartaasoq

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362326, +299 327342 fax), e-mail: oqaasileriffik@gh.gl,
www.oqaasileriffik.gl